

I. N. 7.  
DISSERTATIO INAUGURALIS MEDICO-PRACTICA,  
EXHIBENS  
**CASUM**  
DE  
**HYDROPE UTERINO,**

QVAM  
AUSPICIIS DIVINIS  
RECTORE HUIUS ACADEMIÆ ELECTORALIS  
HIERANÆ MAGNIFICENTISSIMO,  
REVERENDISSIMO ET ILLUSTRISSIMO DOMINO,  
DOMINO  
**PHILIPPO WILHELMO,**  
S. R. I. COMITE DE BOINEBURG,

SACRÆ CÆSARÆ ATQVE REGIÆ CATHOLICÆ MAJESTATIS CONSILIARIO IN-  
TIMO ET CAMERARIO, NEC NON METROPOLITANARUM ECCLESiarUM MO-  
GUNTINÆ ET TREVIRENSIS CANONICO CAPITULARI SENIORE, ET RESPECTIVE  
SUPREMO CHORI-EPISCOPO; EMINENTISSIMI PRINCIPIS ELECTORIS MO-  
GUNTINI CONSILIARIO INTIMO, AC CIVITATIS TERRITORIÛQUE  
ERFURTENSIS PRO-PRINCIPE

AUCTORITATE ET CONSENSU AMPLISSIMÆ FACULTATIS MEDICÆ,  
SUB PRÆSIDIO

**DN. LUDOVICI FRIDERICI JACOBI,**

MED. DOCT. ARCHIATRI ELECTORALIS MOGUNTINI, PROFESS. CHTM. P. CE-  
LEBERR. ET FACULT. MED. ASSESSORIS ORD. GRAVISSIMI, ETC.

**PRO LICENTIA**

SUMMOS IN ARTE MEDICA HONORES AC  
PRIVILEGIA DOCTORALIA

LEGITIME CONSEQVENDI,  
PUBLICO ERUDITORUM EXAMINI

SUBMITTIT

**JOHANNES ROCH/ NEAGORENS. THUR.**  
PRACT. ALSTAD.

DIE XXX. SEPTEMBR. A. P. C. N. MDCCXIII.

IN AUDITORIO MAJORI HORIS CONSVETIS.

FORDIÆ, TYPIS IOH. HENRICI GROSCHII, ACAD. TYPOGR.



SERENISSIMO ATQVE CELSISSIMO  
PRINCIPI AC DOMINO,  
DOMINO  
JOHANNI  
GVILIELMO,  
DUCI SAXONIÆ,

JULIÆ, CLIVIÆ, MONTIUM, ANGARIÆ ET  
WESTPHALIÆ, MARCHIONI MISNIÆ, PRIN-  
CIPALI DIGNITATE COMITI HENNEBERIGIÆ  
COMITI MARCÆ ET RAVENSBERGÆ, SAYN-  
ET WITGENSTEIN, DYNASTÆ IN  
RAVENSTEIN, ETC.

PRINCIPI AC DOMINO  
SVO CLEMENTISSIMO,

INAUGURALEM HANC DISPUTATIONEM

SUBMISSA ANIMI DEVOTIONE

OFFERT HUMILIMUS

SERVUS

JOH. KOC





## PROOEMIUM.



I hujus universi Machina & structura nos in admirationem rapere, si sapientissimi Conditoris sapientia ex illa delineari, si denique macrocosmus, tanquam Ens perfectissimum & optimo summæ laudis sigillo impressum judicari potest, certè quoque Microcosmus omni admiratione, omni laude, omni denique consideratione dignus extra omnem dubitationis aleam est judicandus. Quis non Microcosmi admirabilem & planè imperscrutabilem structuram videt, quis non illius machinam in perpetuo motu versantem pernoſcit, quis non mirificam illius augmentationem & nutritionem penetrat? Ast sicuti



macrocosmus horrendis malorum myriadibus  
 subjectus luget, modò enim ab immanibus  
 ventis crudeles terræ motus excitantibus pla-  
 nitiamque ejus & formositatem destruentibus  
 dilaceratur, modò ab horribili diluvio, uti in  
 sacrarum literarum pandectis videre est, mul-  
 tis miseriis & ærumnis suffocatur & planè de-  
 struitur: sic quoque hodiènum in Microcosmo  
 innumeros ventorum & flatuum motus ac  
 cruciatus haud rarò exitium & funestum e-  
 ventum minitantes experimur? Quid dicam de  
 stygia illa crudelitate, quam in totum quan-  
 doque corpus humanum exercet serofi illius  
 & aquosi humoris diluvium? Hoc interdum  
 adeò exuperat, ut vel ex eo interitum totus  
 patiatur Microcosmus. Quemadmodum ve-  
 rò in Macrocosmo non unò temporis mo-  
 mentò neque in toto terrarum orbe totalis  
 inundatio est metuenda, sed colluvie aqua-  
 rum, affluxu magis atque magis accrescente,  
 & per aliquem temporis tractum in majorem  
 molem & copiam se extendente, tandem huc  
 atque illuc, disruptione prius exorta, magno-

rum



rum camporum, pagorum urbiumque dira fit inundatio, maximaque terrarum dilaceratio. Proh dolor! quot morborum genera, quot malorum sentinae, quot dolorum cruciatuumque species minimae materiae atque miasmatis, non dicam obstructionibus vasculorum capillarium pororumque in maiorem sensim atque sensim quantitatem ingravescentibus suos debent natales? Verum in aura videtur piscari, qui ingenii suo penicillo istum morborum eorumque causarum oceanum in una serie depingere velit. Ea tandem sufficiant, quae <sup>ὡς</sup> Hippocrates & solers Medicorum experientia de serosa hac aquarum colluvie in distinctas humani corporis partes & regiones easque nobiliores faviente ob oculos ponunt. Suus enim capiti hydrops, pulmone & thoraci suus, suus quoque infimo ventri, qui in Medicorum foro ascites audit, non raro etiam utero suus hydrops mirando microcosmici corporis domicilio. Quantis ille excarnificetur morbis, quam diris tentetur & molestetur symptomatibus, praestantissimorum Medicorum ingeniis in



praxi clinica sese optime exercentibus non est ignotum. Unde variae virginum & muliercularum resultant querelæ. Oceanum videt, qui uterum tum contemplatur. Ut enim ad illum aquarum omnium contingit affluxus: sic ad hunc humorum omnium & impuritatum impetus defertur. De hoc humorum IMPETU, DILUVIO scilicet SEU HYDROPE UTERINO, ut raro, sic gravi affectu in Praxi nostra nuper observato & curato loco Dissertationis Inauguralis verba facere mecum constitui. Tu verò, summe Medicinæ Conditor, pro inexhaustâ tuâ sapientia in densis ignorantia tenebris lucem concede, conatus dirige, ut nostrum hoc institutum in divini Tui Numinis gloriam, nostrum emolumentum & Medicæ Reipublicæ incrementum patientumque solatium vergat. Fac sapiamus! Fac vera loquamur!

## HISTORIA CASUS.



*M*ulier triginta quatuor annorum succi plena, <sup>sue</sup>gaudens, plethorica, constitutionis phlegmaticæ, infantem lactans, æstatis tempore incidit in febrim intermittentem, ortam ab errore in diætâ commisso. Fructus etenim præcipuè horarios imma-



immaturos sine discrimine in magna copia devorans, de dicta obrem domi angustam parum erat sollicita. Quare in summo aestatis calore mesorem agens, laboribus defessa ac aestuans ad potum frigidum & quidem Triacum simplicem non coctum se invitando illo plus justo se ingurgitabat. Unde horrores atque calor p. n. sitisque immodice aucta subsequuta est. Ea etiam jam dicta febris intermittens duravit per mensis spatium, quam tamen, nullo Medico in consilium vocato, remediis, ut vocant, domesticis pellit, in M. S. cruditatibus ac sordibus febrilibus adhuc inhaerentibus & dyscrasia, simul etiam debilitate ventriculi male constituti manente, quia curatio male fuit peracta & ad ventriculum & laesam transpirationem, ad Oinas & spirituosas sordes evacuandas, nullus respectus fuit habitus. Ideo saepius post assumptum cibum pressionem nimiam atque molem ventriculi angustiamque circa praecordia sentit, frigus seu horror subcutaneus, sitis p. n. aucta, facies pallida cum liventibus oculis, mensium paucitas & decoloratio, fluxus inordinatus & tandem totalis suppressio fuit insecuta. Quia vero venter imprimis ad pubis regionem vergens intumescere & in dies magis atque magis accrescere incipiebat, certo sibi habet persvasum, se utero gestare, gravidamque esse, signisque anamnesticis consideratis, enarrata symptomata ab impraegnationis causa descendere. Non multo post ventre in tantam magnitudinem se extendente, ut non modo non ordinariam formam servaret, sed multo majus superaret, insimul etiam moles seu gravitas sic erat mobilis, ut ab uno latere ad alterum se inclinaret, instantibus etiam acutissimis doloribus circa genitalia & pungitivis cum eruptione

mate-



*materiae mucosae tempus parturiendi instare planè credebat. Quare obstetrix in consilium vocata, satis, ut sibi persuadet, perita, partum instare verissimum penicillo plusquam Apelleo depingebat, & ad dolores nimis acutos leniendos coctum crvorum stramen tepide ventri applicat; verum enim vero nulla dolorum satis acutissimorum remissione subsequente neque certioribus signis partus se manifestantibus & □â guttatim & planè decolore & ∇eâ maximis cum cruciatibus exstillante opem Medici implorare cogitur.*

## EVOLUTIO.

### §. I.

**S**I quis enarrata symptomata atque signa anamnesticæ à nostro casu exhibita accuratioris mentis lance considerat, omnes ignorantiae salebras, erroris ac difficultatis lyrtas secundis ratiocinationis suæ velis transmeabit. Quod enim navigantibus pyxis nautica & in illa recondita acus magnetica, vel etiam nocturno tempore coelo serenò existente stella Polaris indicat & efficit, illud quoque in morbis cognoscendis symptomata præstant; hæc enim sunt Medicis statuæ quasi Mercuriales, quæ ad veram cognitionis viam iter facientes perducere solent, hæc sunt curationis certissimus Pharos, qui ad certum tutumque Apollineæ Artis portum ducit. Hinc ex causis antecedentibus nimirum febris intermittente & discrasia in sanguine, suppressione mensium, gravitate in utero ab uno latere ad alterum se volvente, □âque crudâ & simul ∇eâ



Veâ quilibet Philiatrorum rationis suæ acumine hydropem uteri adesse attingere potest, cujus naturam & essentiam, causas, signa & curationem feliciter peractam (siquidem adhuc patiens nostra cum optimo sanitatis vigore est superstes) pro ingenii viribus breviter sumus indagaturi.

§. II. Methodum ordinemque consuetum in conscribendis Dissertationibus ut retineamus, ante omnia de ονομασίᾳ seu nominis evolutione sumus solliciti. Cognitâ nominis ratione atque usu, rerum que notitia feliciter sequitur. Accurata enim vocum interpretatio sensum non tantum parit genuinum, sed & ipsarum potissimum rerum aperit intelligentiam.

§. III. Hydrops etymologicè consideratus Græca agnoscit incunabula ἀπὸ τοῦ ὕδατος καὶ ὤπης, nimirum aquâ & facie, quia ut plurimum hydrope laborantibus faciei floridus & vividus color in pallidum & lividum est immutatus. Hinc Græcorum more in componendis vocabulis felicissimorum vocabulum hoc ὕδρωψ quasi velles dicere ὕδρει καὶ ὤψι aquosa facies in Medicorum civitatem est introductum. Latinô idiomate aqua inter cus & aqua inter cutem, Germanis, die Wassersucht. Me quidem non fugit, non omnes hydrope pressos facie aquosâ & lividâ apparere, siquidem secundum Sennertum Lib. 4. de Morb. Mulier. Part. 1. Sect. 2. Cap. XI. Mulieres in uterino hydrope ut plurimum faciei colorem bonum habent, astipulante etiam Jonstono Libr. X. Artic. VI. Notanter asserui, ut-

B

pluri-



plurimum , non verò semper & in omnibus subje-  
ctis , siquidem in casu nostro in scenam à nobis pro-  
ductò hic faciei flos minimè observabatur, de quo in-  
fra fusius sumus dicturi.

§. IV. Positâ jam cognitione nominali restat,  
ut etiam cognitionem realem accurata mentis truti-  
nâ perpendamus. Est igitur hydrops vocabulum  
generale & in foro Medico audit collectio seu abun-  
dantia serosi & ∇si humoris totius corporis. Hinc  
etiam nomen ab ∇. accepit. Hanc denominationem  
generalem latò vocis significatu *Divinus Caus* videtur  
innuere, quando *Libr. de loc. in hom. num. 9. carnes hy-*  
*drope plenas esse asserit*, cui assentitur *Jonst. Artic. III.* cum  
hydropem generaliter considerat. Sciendum vero,  
nos hic nomen hydrops non ἀπλῶς καὶ γενικῶς tractare, sed  
εἰδικῶς & μετὰ προαίτης cum additamento seu speciali deno-  
minatione & appositione partis affectæ. Magnus  
Medicorum Strategus Hippocrates iterum multas  
peculiares hujusmodi hydropis species dari in *Coac.*  
*prænot. egregiò nobis succurrit testimoniò.* Idem *Practico-*  
*rum quotidiana experientia prolixè docet.* Capiti enim  
est hydrops , qui ὑδροκέφαλος nuncupatur assentiente *Co.*  
*Lib. 2. de Morb. Fabricius Hildanus Cent. 3. Observ. Chirurg.*  
*17. memoratu dignissimum profert ὑδροκέφαλος casum*  
&c. Suum quoque pulmones patiuntur hydropem,  
*animadvertente Job. Theod. Schenckio Tract. Ser. Sang.*  
*Cap. 7. §. 15. Job. Riol. Sen. de Morb. Pulm.* Insuper um-  
bilicus scatet hydrope ὑδρομφάλω dicto, approbante *Jonst.*  
*Libr. X. Tit. XIII.* Item in scroto quoque invenitur  
species



species hydropis, quem hydrocelen vocant, cujus mentionem facit *Hippocrates de Aëre & Aqua Sect. 3. It. Schenckius de Ser. Sanguin. Hist. Cap. VII. §. 38.* Plura Auctorum expertissimorum in medium possent proferri suffragia, si hæc modo obiter non essent notanda. Tandem & à nobis in ultimo loco posita illa species hydropis, quæ hydrops uteri audit, in nostram venit considerationem, de quo impræsentiarum sumus disfertaturi.

§. V. Pertractatâ jam voce hydropis, restat, ut etiam stylô, quantum possibile, brevissimô uterum explicemus, priusquam ad definitionem morbi ipsius in nostra Dissertatione transire possimus. Quid uterus sit, lippis quoque & tonsoribus notum est, appellatur vero uterus ab utre, quia cavus est, impletur & depletur, ut vult *Rolfinc. Tract. Ord. & Method. Generat. dicat. &c. Cap. XI.* Quibusdam hæc vox originis Græcæ esse videtur, ab Æolico ἕλεος, ut sit quasi ἕλεος, alter venter. In monumentis divini *Senis* passim vocatur Græcè ἡ ὑστέρα & ὑσέρος forte à vocabulo ὑσέρος, posterior, sequens, ob situs posteritatem. Plures nominales descriptiones in medium proferre, supervacaneum esse duxi, quia hæc nimia esset à scopo nostro aberratio. Plura qui vult legere, evolvat modò citatum *Rolfincium*, it: *Thom. Bartholini Anatomiam. Hieronym. Fabric. ab Aquapendente Opera Anatomic.* Tantùm hæc de utero dicta nobis sufficiant, quia vocabulum uterus ad morbum nostrum etymologicè consideratum spectat, & quatenus est viscus cavum in regione



gione hypogastrica positum ac generationi dicatum, tractationis nostræ cardo in illo versatur.

§. VI. Exenteratis ergò & enucleatis vocibus hydropis & uteri seorsim & separatim, rerum necessitas efflagitat, ut ambobus velis navigemus ad portum certum nostræ Dissertationis consequendum, qui est hydrops uteri. Græcis nominatur ὕδρωψ, ὕδρωπις, ὕσερις, ὕδερ, ὕσερις. In foro Romano vocitatur hydrops uteri, morbus hydropicus uteri, & hydrops uterinus, in vernacula lingua die Mutter-Wassersucht / oder die Wassersucht der Mutter.

§. VII. Præmissis ad nominis evolutionem necessariis, ad πραγμασιολογίαν seu Definitionem realem nos accingamus. Est igitur hydrops uteri tumor seu *intumescencia p. n. inferioris ventris à colluvie vitiosorum humorum ∇sorum simul & flatulentorum in spatio seu cavitate uteri aut in ipsius substantia aut membranarum interstitiis collectorum dependens.*

§. IIX. Genus seu ratio formalis hujus morbi est οἶδημα παρὰ φύσιν, intumescencia seu tumor p. n. locum sibi vendicans inter morbos organicos auctæ magnitudinis, ad quos proprie omnes referuntur tumores & partium p. n. incrementa, *docente experientissimo D. Justo Vesti quondam Professore meo perpetua gratitudine prosequendo in Instit. Reformat. L. 11. Cap. 3. §. 12.* Notanter in Definitione adjecimus tumorem p. n. ut discernatur ab illo tumorum genere, secundum naturæ leges qui oriuntur. Non enim omnis tumor nec intumescencia seu excrescentia quævis est p. n., quod



quod luce meridiana clarius innotescit in obesis, qui ultra naturalem & alias consuetum corporis habitum in latum & profundum accrescunt, absque tamen manifestâ actionum læsione. Neque etiam de illis dici potest, quæ utero gestant, atque gestationis tempore venter sensim atque sensim in maiorem extenditur molem atque magnitudinem, quod laborent tumore p. n. cum hæc singula naturæ opera, atque secundum illius leges fiant.

§. IX. Ad tumorem p. n. itaque requiritur, ut non solum magnitudo sensibilibiter augeatur, sed etiam ut notabilis partium & actionum læsio inde accedat, cum manifestâ sensus doloris perceptione; hæc enim accidentia affectuum p. n. plerumque fidelissimi sunt comites, ut evidentissimè apparet in nostro affectu, nimirum hydrope uteri, clarius vero in casu jam introducto, ubi nimirum patiens minime rerum suarum sat agere poterat, intellige actiones & opera ætati & sexui consentanea, non dicam de dolorifica sensatione, quam dies noctesque accusabat.

§. X. Differentiam verò affectus nostri specificam reliqua verba in definitione allegata præbent, à colluvie scilicet vitiosorum  $\nabla$ forum humorum, ut distingvatur ab inflatione ac tympanite uteri, ubi uterus à flatulento vapore in illo collecto & incluso extenditur ac dilatatur, ubi bene annotavit *Ducan, Liddel, Scotus Libr. III. Cap. XIV.* Quotidiana quoque & solers Medicorum experientia docet, id quod nos etiam in nostra praxi observavimus, ubi Mulieris cu-

B 3

jusdam



jusdam uterus à flatibus in notabilem quantitatem extendebatur. Adhibitis verò carminativis ac uterinis, flatus per vulvam summo cum strepitu exhibant, non secus, ac si anus sibilaret. Differunt ergò hi duo affectus tantum causâ immediatâ, quæ in nostro est colluvies vitiosorum  $\nabla$ forum humorum, in illo autem vapor flatulentus solus est in causa. Interim non negandum, quod hydrops uteri haud rarò humores simul & flatus conjunctos habeat, ut videre est, si venter tensus percipiatur, quem etiam in nostro casu sic observavimus. aliàs humores soli, si occlusi sunt, mollitiem ventris plerumque comitem habent.

§. XI. Subjectum nunc affectus nostri indagandum venit, partim, ut sedem genuinam & το πρῶτον seu locum primariò affectum naturamque morbi eruamus: Partim, ut viam ad curationem faciliorem felicioremque inveniamus. Hoc itaque ut eò felicius eveniat, cum Practicis recentioribus usitatisime distinguimus *inter subjectum principale & minus principale*. Per hoc intelligenda erit latitudo morbi totalis, quousque scilicet se extendit: Per illud vero πρῶτον τελευτικόν locum scilicet, in quo primario affectus residet seu inhaeret.

§. XII. Subjectum itaque principale inadæquatum το πρῶτον sedemque primariam hydropis uteri ut enucleemus, Medicorum facilè aquila Hippocrates lucem quasi nobis præfert, *Libr. de Loc. in hom. Sect. IV.* literis consignatum reliquit dicendo: *Morborum omnium, qui Muliebres vocantur, uteri in cau-*



*sa sunt*, quare haud difficile demonstratu erit, utrum cum ratione cavitatis tum ratione substantiæ & membranarum esse primario subjectum inhæfionis affectus nostri. *Subjectum minus principale seu adæquatum est totum microcosmicum sexus sequioris compositum*, quatenus tota massa sangvine corrupta ac vitiata est, spiritusque suis operationibus turbati officia non recte peragunt sua.

§. XIII. Quemadmodum verò parœmia illa Philosophorum ipsa veritate verior: Qui bene distinguit, bene docet: Ita quoque summe necessaria imo utilisissima experientissimi illa Galeni: *ὁ ἀεὶ καὶ γνῶς, ἀεὶ καὶ θεραπεύει*, optime qui cognoscit, optime curat. Magnificum enim quicquam splendidumque videtur, nosse singularum rerum causas; his vero non instructus Medicus Palladis portas nec aperire, nec ingredi, multo minus ad regium *ὑγιείας* folium accedere, & gloriosæ Reginae conspectu frui potest. Nos itaque ut curationem faciliorem felicioremque adipiscamur, causas prius perscutabimur genuinas.

§. XIV. *Causa immediata seu ἀμεσὸς nostri affectus est ∇ea & serosa materia nutritioni inepta, utrum replens ac distendens & in tumorem hydropicum elevans.* In nostram sententiam pedibus it *ingeniosissimus Sennertus Lib. 4 Part. 1. Sect. 2. Cap. XI.* qui ∇æ in utero collectionem à serosa & ∇sa humiditate mensibus permixta pro causa agnoscit. Huic album, ut ajunt, calculum adjicit *Job. Nicol. Pfizerus Lib. 2. Cap. 7.* qui serosos & ∇sos humores mensibus mixtos accusat. Nec nobis



nobis contrarius Schenckius in *Lib. de Ser. Sang. Cap. 7. §. 36.* asserens, *uterum scatere serosis aquositatibus, exulcerari & hydropem incurrere.* Experientissimus etiam *D. Justus Vesti in Collegio suo Practico* causam hydropicis uterinæ nominat  $\nabla$ sam materiam in cavitate uteri collectam. Non solum dicimus, quod materia illa serosa &  $\nabla$ ea tantum in uteri cavitate suam sedem habeat, sed diximus notanter §. 12. etiam partibus adjacentibus inhærere posse, uti nobis adstipulatur *Sennertus ex Historia Heinzii, quam habet de Ancilla, ex utero hydropica post mortem sectâ, in quâ testes tumidi ad magnitudinem capitis recens nati Infantis, fungosi & vesiculis  $\nabla$ eis pleni fuere reperti :* Ex quo etiam colligendum erit, ipsam uteri substantiam & vasa quoque adjacentia materiâ istâ  $\nabla$ osa & serosa ut plurimum esse referta. In nostro autem casu tantum illa materia peccans in ipsa cavitate uteri locum occupaverat, reliquis partibus integris & incorruptis manentibus, quia molem patiens tantum in utero sentiebat, ob idque gravidam se esse putabat, & post materiæ ejectionem de nulla amplius passione conquerebatur, & non multo post felix puerpera fuit facta.

§. XV. Mediatam causam seu *εμμεσιν* & quidem proximam ut etiam perpendamus, illa nihil aliud est, quam totius corporis cachexia ex vitiosis ac depravatis succis, crudis videlicet & peregrinis qualitatibus imbutis, imprimis intemperies uteri, quæ ob abolitam & diminutam digestionem ac *χάλασιν* ventriculi chylum *ἀπεπτην* viscidum ac  $\nabla$ eum producentis sua



sua facit incunabula. Quorum habitus sangvinis cachecticus & cacochymicus à naturaliolina volatili aut spirituosacrafi deficiens & in massam crudam ex cacochymia degenerans imminutam sangvinis fermentationem menstruam indeque subsequentem deficientem excretionem infert, *ut experientissimus Ettmüllerus discrete disferit.* Unde humores spissi ac corrupti in vasis lymphaticis stagnantes circulatione M. S. ac humorum tardata serosam ac salsam materiam cum acredine assumunt, spiritus diminuuntur & viscera fiunt debiliora & impura, *quum secundum Hippocratem L. IV. Sect. 5. transpiratio laeditur*, quare viscerum impuritatem ac vitium præcipuam hydropis causam esse concludit, adeo, ut ad salutem ipsam viscerum firmitas & robur ac virium integritas & constantia præcipuè faciant, cum sint totius vitalitatis arx & propugnacula. Nec tacito pede est prætereunda suppressio & corruptio mensium, utpote quæ ad uteri depravationem ac intemperiem plurimum confert, & *secundum magnum Coum Libr. de Natur. Muliebr. Sect. V. menses in hydrope uterino semper pauciores & deteriores contingunt, & deinde, ut ejus verbis utar, derepente deficiunt*, dum loco sangvinis floridi serum spissum ac sangvinem mucosum in cavitate uteri deponentes cum summa corruptione, impuritate humorum ac depravatione sinum uteri implent & stagnant, quia per naturæ conatum ac evacuationem semper impura materia omnesque sordes ad uterum demittuntur & sic per illum fluxum natura se purga-



re annititur. Equidem non planè subscribam *D. Ramazini Professoris Academiæ Paduensis sententiæ*, qui autumat, in omni mensium fluxu etiam *s. n.* semper aliquid malignitatis ac impuritatis latere, quia ille fluxus non solum eductio sed etiam evacuatio materiæ superflue ac peccantis denominaretur; sed in contrarium ratiocinatur *Fallop. de Med. purg. Cap. 2.* qui sanguinem menstruum ab istis injuriis vindicare conatur, cui *Rodericus à Castro* itemque *Ballonius* calculum adjiciunt *Hippocratem L. 2. de Morb. Mulier. adducentes*, qui mensium evacuationes non fluxum sed florem nominare consueverit, τὰ κατὰ μῆνα ἐνδεῖν; attamen non negandum est, naturam multum levaminis materiæ peccantis per illam excretionem persentiscere, quod videmus, si per causam aliquam occasionalem illius fluxus fit suppressio, quomodo tota natura alteretur & corrumpatur. Hæc autem sunt intelligenda de mensium fluxu in statu naturali; sed in præsentī loquimur de statu *p. n.* quo semper natura per illam evacuationem omnem impuritatem deponere assuevit, dum sanguis atque humores antea impuritates ac corruptiones acquisiverunt, ob stagnationem læsamque transpirationem vappescunt & in acredinem ac serositatem abeuntes corruptioni putredinali occasionem præbent aptissimam *vid. Pfiz. l. de Natura Mulier. l. 2. Cap. 7.* Id quod nostræ Patienti etiam accidit, cum multa materia serosa ac putrida una cum mensibus fuerit ejecta, ut ex historia casus nostri videre est.

§. XVI. De causis Mediatis & quidem remotioribus



ribus acturi, ante omnia distinctionem apud recentiores usitatisimam nec minus utilem præmittimus, quando distinguunt in causas naturales, non naturales & præternaturales, de quibus singulis separatim sumus dicturi. Præponunt quidem causam supernaturalem tanquam causam remotiorem mediatam, quippe quæ Soli DEO competit, dum novimus Christianæ Religionis addicti, quod sine Divini Numinis permissione nos lædere nihil possit. Hæc autem magis ad Theologiam quam Artem Medicam pertinere, quis non videt? Ergo ea mittimus & ad primas nimirum naturales dispositiones tanquam præcipuas, transgredimur. Primo nobis ex illis obviam venit temperamentum phlegmaticum, ut in historia casus nostri posuimus. Illud autem secundum *Excellentissimi Ettmülleri Physiologiam Cap. 5. §. 31.* omniumque Medicorum sententiam est dispositio frigida atque humida: & in phlegmatica dispositione abundare pituitam, five humores crassos, viscidos & eos notissimum est. Valdè enim Mulieres sunt dispositæ ad contrahendum hydropem uterinum, temperamento frigidiori quæ gaudent & humidiori, & quibus simul uterus continuis scatet humiditatibus. Hisce accedit habitus corporis, si à naturali statu recedit, sumque vigorem ac integritatem debitam amisit, qualis valetudinaria & cachectica ad hydropem uterinum valdè est disposita: Serosum enim crudum & pituitosum producit sanguinem ex humoribus viscidioribus & ventriculi aliorumque viscerum



provenientem , ut patet ex casu nostro, ubi patiens antea feбри laborans intermittente cachectica facta est. Huc etiam pertinet uniuscujusque hominis idiosyncrasia, quæ ratione constitutionis seminalis Parentum hæreditario jure quibusdam evenit. *vid. Ettmüll. Libr. Theor. Cap. 3. §. 4.* Siquidem non raro contingit , conceptum in utero paternorum & maternorum malorum fieri ex asse hæredem. Si nimirum Parentes fuere cachectici , dispositionis & constitutionis frigida & phlegmatica & ad hydropem maxime dispositi , cur non idea ista hydropica seu dispositio per parentum semen communicari Archæoque insignillari possit? *ut excellentissimus D. Justus Vesti in Instit. suis reformatis Lib. 1. Cap. 3. §. 3. ingeniosissime demonstrat, suffragante quoque Hippocrate de A. V. & Loc. quando dicit à sanis semen sanum, à morbidis vero morbosum semen decidere.* Ætatem quod attinet, nostra affectio ætati ferè omni communis, imprimis vero juvenibus, quum juvenes humidiores sint, seniores vero ficciores. *Hipp. libr. de Mul. Natur. & quidem virginibus pubescentibus, cum circa menstrui tempus aut sese corrumpunt aut materiae excretionem impediunt.* Sexum quoque consideraturi soli fœmineæ forti competere hunc affectum affirmamus; nam fœminea illa conditio in eo præprimis est miserabilis, quod præter mille casus & morbos variis insuper uteri ægritudinibus à virorum planè diversis excruciarī so-  
leat.

§. XVII, Nunc ordo nos ducit ad res sex non-  
natu-



naturales, quatenus tanquam causæ remotæ in nostrum affectum incurrunt, ex quibus primum locum sibi vendicat  $\Delta$ . qui meritò teste Galenô ad τὰ ἀναγ-  
*αῖα* refertur dicente; ex  $\Delta$ e talem generari  $\Omega$ um, qua-  
 lis est  $\Delta$  ipse. Hinc  $\Delta$  humidus & frigidus, crassus &  
 nebulosus & multis effluviis subterraneis refertus  
 ad hydropem uterinum inducendum aptissimus,  
 quatenus nimirum poros subcutaneos obstruit, in-  
 sensibilem transpirationem retardat, vel penitus læ-  
 dit, sanguinem atque serum incrassat, omnisque ge-  
 neris humores condensat eosque cumulat, uterum  
 refrigerans morbis variis imprimis obstructionibus  
 viam præparat, & sic ad hydropem uterinum pro-  
 ducendum, præmissis omnibus circumstantiis, mater  
 fœcunda.

Nec minus variis concurrunt modis Cibus &  
 Potus, si nimirum chylum viscidum, lentum, cru-  
 dum &  $\nabla$ eum præbent. Huc cibi pertinent κακόχυμοι  
*καὶ δύσπεπτοι* pravi scilicet succi & difficilis digestionis.  
 Pestis autem hydropicorum sunt carnes salitæ omnis  
 generis & fumo induratæ ob difficilem digestionem  
 & chymum crassum minusque  $\Omega$ osum & alibilem:  
 hujus farinæ etiam sunt pisces marini saliti ac  $\Delta$  ex-  
 ficcati; horariorum fructuum usus, imprimis imma-  
 turorum, item melones, cucumeres, olera & legu-  
 mina, quæ omnia chylum viscidum atque δύσπεπτον pro-  
 ducunt. Aceti quoque &  $\Theta$ is culinaris usus frequen-  
 tior, hæc enim alimenta aut corpus refrigerant & di-  
 gestionem impediunt, aut flatum & ferolam mate-  
 riam



riam cumulant. Causæ quoque sunt alimenta, si cibi & potus nimia quantitate ventriculus obruatur & noctesque diesque nullâ observatâ diætâ corpus satiatur cibo, præsertim potu, cujus largior & frequens ingurgitatio, v.gr. cerevisiæ aut ∇.frigidioris post validum motum hydropis certissimus est prodromus: ex largo enim hujusmodi potu præprimis ∇eo simplici incoctô atque Orosio liquor ventriculi gastricus diluitur & imminuitur, nullaque perfecta sequitur digestio. Hinc chylus sequitur pituitosus, flatulentus & crassities humorum augetur, unde vasa imprimis lymphatica seroque dicata materiâ ∇eâ crudâ & acri implentur, ut in nostro casu patiens, ob rem domi angustam, post fortiores labores, nulla observata diætâ, ∇. se frigida ingurgitabat.

Motus moderatus sanitatis conservator, immoderatus intempestivus spirituum vitalium dissipator, quare non omni culpa expers, quatenus motus nimius humores intempestive agit. Præprimis si post assumptum cibum in motu peccetur, nimium humores commovendo cruditates cumulantur, chylus crudus & vix dimidia parte digestus ob motum intestinorum peristalticum, fortiolem ad partes transmittitur, hinc succi crudi spissi & indigesti hydropicis fiunt causæ idoneæ.

Sicuti vero in motu excessive peccatur: sic e contrario quies tanquam in defectu suum hic habet locum: Hæc enim immoderata fluxum sanguinis atque humorum itemque motum intestinorum peristalticum



cum reddit torpidiorem atque tardiores, quo referri potest vita nimis sedentaria sexui sequiori gratisima & frequens, hinc etiam majoribus obstructionibus frequentioribusque sexus hic est obnoxius, quippe quæ multorum morborum foecundi Parentes, hæ enim cruditates coacervant, motum sanguinis omniumque humorum imminuunt, quatenus spiritus obtundunt & excrementa cumulant. Quare ad generandum hydropem gratum porrigit pabulum.

Ἵπποκράτης ἀγρυπνίῃ ἀμφοτέρω & μέλει μᾶλλον γινόμενα κακόν, i. e. *Somnus vigilia utraque modum excedentia malum, inquit Hippocrates Sect. II. Aph. 3.* Somni etenim excessus ∩ reddit torpidos, calorem obtundit, humiditate nimia & cohibita vitiat coctiones & cruditatum auctor fit. *juxta Schenckium Synops. Instit. Artic. VI. §. 3.* Vigiliæ verò ac lucubrationes nimiae digestionem ventriculi turbant, hinc ∩ depauperantur, cruditates augentur & tenuior sanguinis pars absumitur, & sic ex accidente morborum frigidiorum causæ fiunt.

Ἐκκρινόμενα καὶ Ἐπεχόμενα, Excreta & Retenta non infimum locum inter morborum causas retinent, quando nimirum evacuationes consuetæ vel retinentur vel retentiones naturales excernuntur, ut fluxus mensium, ☐, scybala, lochiorum, sudorum, transpirationis subcutaneæ aut totalis inhibitio aut ultra tempus ordinarium commoratio, aut etiam nimia eorum evacuatio, hæc enim naturam debilitat, vires consumit, spiritus dissipat & perturbat, illa vero M.S. conspurcat, inquinat, circulationem sanguinis retardat aut impedit.

Animi



Animi Pathemata , quæ sunt motus & affectus nos valdè alterantes morborumque secundum Ettmüllerum sæpè atrocium fiunt autores , quatenus diversimodè sub iisdem  $\Omega$  & humores agitantur & commoventur. Sicuti verò ira atque gaudium quoscunque humores commovent eorumque ebullitionem & excretionem causant , è contrario terror & tremor humorum motus supprimunt excretionesque quasvis sistunt , imprimis dominium suum exercent in sexu sequiore & non raro mensium suppressionem atque febres possunt producere , ut *D. Hagedorn in Hist. Med. Ph. Cent. I. Hist. 85. Exemplum adducit Mulieris, quæ ex terrore visi funeris in mensium suppressionem ac febrim incidebat , quæ hydropi ansam præbent commodam.*

§. XIIIX. Res præternaturales ita sunt comparatæ, ut una interdum alterius fomes sit & incitamentum , id quod *Hippocratis Sect. VII. L. VI. §. 29. quoque mens est inquietis: loci alterius noxios humores loca quædam excipiunt.* Ita intemperies frigida , morbi præcedentes , febres intermittentes & inde subsecuta cachexia mensium parvitas , aut totalis suppressio eorumque decoloratio , lochiorum retentio , tumores scirrhusi & id genus alia multum ad hydropem producendum afferre possunt , quatenus pravi humores ac cruditates ad uterum proturbantur , quod nostra patiens clarius nobis ob oculos ponit.

§. XIX. Enucleatâ jam causarum cognitione ad differentias , quas brevibus perlustrabimus, devolvimur.



mur. Considerandus est uteri hydrops ratione gradus. Alius enim est genuinus vel exquisitus, alius vero nothus seu falsus, alius perfectus, quando ad perfectionem atque ad *ἀκμὴν* pervenit, alius imperfectus, quando in fieri saltem est, & incrementa adhuc capit. Ratione temporis & quidem invasionis & durationis alius recens & incipiens, ubi totam corporis machinam nondum occupavit, & viscera non omnimodè sunt labefactata: Alius confirmatus & inveteratus, ubi  $\Omega$  maxima parte absumti & humores corrupti sunt, uterus debilis & ad resistendum plane inutilis & ineptus est redditus. Ratione loci affecti generatur uteri hydrops vel in ipsa substantia, vel cavitate vel etiam partibus adhærentibus, ligamentis, tunicis & labiis uteri, quale exemplum refert *D. Hagendorpius in fœmina observatum, cujus labia pudendi tantus post febrim acutam tumor occupaverit, ut duas quasi lagenulas, quarum una ex labio dextro, altera ex sinistro dependebat, præsentaret, ex quo post apertionem materia serosa cum tumoris collapsu copiose effluxit.* Ratione causarum hydrops uteri oritur modò ab intemperie uteri frigida, modò à præcedente morbo, modò ab humoribus acris  $\Theta$ sis & serosis, modò denique ab alia producitur causa.

§. XX. Μόνος ὁ τῶν σημείων ἔμπειρος εἰκότως ἐπιχειρεῖ, *solus is, qui signorum cognitionem habet, ritè curationem aggreditur*, est divi Senis ex tripode quasi dicta sententia; quoniam recte tantam signorum ad bene Medicandum esse necessitatem affirmamus, ut nulla morbi curatio ritè peragatur, nisi nobis signa quasi



Phosphorus viam demonstraverint ad curationem optabilem, quæ paulo accuratius investigamus. Signa autem uteri hydropis diagnostica sunt tumor circum ventrem amplius, laxus, secundum uteri formam extensus, murmura & sonitus, mensium paucitas, pravitas, ante tempus defectus, mammarum mollities & lactis carentia, uteri osculi gracilitas & humiditas, sicuti accurate signa hydropis uteri Hippocrates percenset *Libr. de natur. Muliebr. Sect. V. §. 40.* Si hydrops in uteris oboriatur, menses pauciores & deteriores contingunt, deinde derepente defugiunt, venter intumescit, mammae siccae evadunt, & in reliquis male habet, sibi que utero gestare videtur &c. Hinc tumor primario hypogastrium occupat, ut quando mulier se movet, tumor secundum motionem mulieris in latus decumbentis delabatur, aut, quando tangitur, nullus adsit dolor seu tensio, sed fluctuet, quare juxta uteri & ventris amplitudinem distenditur tumor, nec durus & acuminatus apparet, ut in vera conceptione, ideoque ab ipsa maxime distingvitur. Dignoscitur denique hydrops uteri ex insigni gravitate vulvæ seu sinus pudoris, quæ provenit a pondere materiæ in cavitate uteri ejusque partibus adjacentibus hærentis atque incumbentis. Bene autem observandum, ne uteri hydropem pro vera conceptione, quam sæpe mentitur, agnoscamus. Graviditas enim non facit tumorem præternaturalem æqualem & amplum, uti hydrops, sed acuminatum quasi & fastigium atque eminentiam quandam circum-

um-



umbilicum præseferentem. Unde si alia signa mulieris gravidæ absint, imprimis symptomata gravidarum in primis mensibus familiaria non observata & nullus motus foetui conveniens unquam perceptus fuerit, uterus tamen magis atque magis in tumorem fuerit allatus & venter extensus, tunc uteri hydropem adesse rectissime erit concludendum, *uti de hoc fusius scripsit Ettmüllerus Th. II. Sect. V. Cap. I.* Differt etiam a mola, quia in ea pondus majus observatur, & gravitas in imo ventre percipitur, quæ in uteri hydrope non apparet: intumescunt etiam mammæ, in hydrope autem non item. Denique ab universali hydrope abdominis distingvitur ex eo, quia hydrops abdominis incipit à superiore abdominis parte, illamque æqualiter distendit, uteri vero hydrops fundum ventris magis ad hypogastricum occupat, sitisque adest nulla, *ut vult Ettmüllerus loc. citato.* Secernitur denique uteri hydrops ab inflatione uteri; hæc enim in omnes dimensiones abdominis se expandit, & contenta flatulentia nunc augetur, nunc imminuitur, præterea insignis tensio dolorque tensionis uterum occupat, isque durus est, illa autem hydropisis uteri plerumque est mollis & potissimum in imo residet ventre, uti ex historia nostra patescit.

§. XXI. Signa prognostica in genere hydropis uteri quod attinet, & quidem primo ratione salutis & mortis, maxime curatu difficilis alias est, eoque difficilior, si liquor contentus sit pravus seu vitiose corruptus. Gravis autem est, quando nonnunquam totam corpo-



ris œconomiam occupat, omnesque humores vitiat. Periculosum etiam solet esse hoc malum, quia, nisi probe ejus habeatur ratio, tandem in universalem hydropem degenerat, variaque hinc inde graviora symptomata producit, tandemque ægrum ad mortem usque deducit. In nostra autem ægra ratione curationis adhuc salus erat speranda, quia feroci humores in uteri cavitate collecti saltem videbantur, & maximam partem mali à propriò uteri vitio nempe mensium obstructione ortum legebat, imò hoc ipsum malum diuturnum haud adeo fuerat: nam si materia peccans intra membranas aut in ipsa substantia hæsisset aut ipsis vesiculis utero adnatis fuisset, uti sæpe contingit, inclusa, certe curatio fuisset longior difficiliorque, imò periculosior, nec tam facile per idonea insequentia Medicamenta malum nostrum potuisset extingui.

§. XXII. Investigatis iis, quæ ad Theoriam nostri casus spectare fuere visa, ad ejusdem curationem nunc devolvimur, qua tota ars Medicinam facientis alias terminatur, quoque tot ægrotantium unice diriguntur suspiria: & hæc absolvebatur à nobis triplici indicatione consveta, nempe CURATORIA, quæ morbum in magnitudine aucta respiciebat, viscerumque intemperiem corrigebat; PRÆSERVATORIA, quæ causas actu tumorem promoventes eliminare, materiæ pituitosæ stagnationes tollere, viasque, quæ tumori excitando & faciendo erant aptæ, præcludere jubebat. Et VITALI, quæ, ut robur & tonus visceribus



visceribus restitueretur, ne vel iterum humores serosi generarentur, aut amplius reciperentur, præcipiebat; & ut rite hæ expedirentur *tres fontes, Chirurgicum, Pharmacæuticum & Diæticum* in adiutorium vocavimus.

§. XXIII. *Ex fonte Chirurgico* etsi multum solatii hic hauriri potuisset, imprimis si V. S. fuisset instituta ob restituendum mensium fluxum huc usque suppressum: tamen quia noster affectus è <sup>δυσχεστία</sup> viscerum ortum ducebat & calor internus observabatur ob defectum spirituum animalium & vitalium diminutus, & circulatio sanguinis tardior sentiebatur, illam merito omisimus: imprimis quia sanguis hic non in quantitate peccabat, sed potissimum in qualitate. Hinc quoque cucurbitulas tam ficeas quam scarificatas inconvenientes judicavimus, quia scarificatæ ob materiam ex mora acrem factam facile potuissent inflammationem producere, quæ ut plurimum, nisi in tempore iterum supprimatur, in gangrænam & sphacelum degenerare potest, & sic loco salutis necem inferre solet, qualem tragœdiam ab infulso chirurgo lusam in Praxi nostra nuperrimè observatum habuimus. Cauteria in tali morbo eadem fata sæpe imò sæpissimè habuerunt, cum horum usu multa pericula fuerint subsecuta. Unde ut inutilia à nobis sunt rejecta. An autem fonticuli aliquid juvamenti hic præstitissent. *cum Sennerto Lib. 4. Part. I. Sect. 2. Cap. 11.* merito dubitavi: nec potui concipere, quomodo humor in cavitate uteri conclusus per hanc viam commode evacuari possit.



§. XXIV. *Ex fonte Pharmaceutico* haufimus ea remedia, quorum beneficio humores quantitate peccantes per evacuantia eliminabantur, qualitate excedentes per alterantia corrigebantur. Antequam autem evacuantia, inprimis purgantia præscripsimus, merito experientissimi *Ettmülleri* admonitionem secuti sumus dicentis: *Collectio copiosarum*  $\nabla$ rum in utero considerata est, an sit cum foetu aut absque eo. Si cum foetu, parum aut nihil omnino tendandum est, sed relinquatur mulier aut saltem blandis hydragogis sic dictis & quasi per epicrasin non nihil est evacuandum serum copiosum, nec diuretica sunt tuta, quia stimulant menses & hic metus est abortus. Sed quia nulla suspicio erat de foetu, sed pura tantum liquamina aderant, his sequentibus fortioribus purgantibus ad uterum stimulandum &  $\nabla$ . evacuandam pugnauimus felici cum successu, qualia erant radix esulæ ejusque infusum & extractum, item radix ireos in lacte cocta, item istius succus expressus propinabatur cum resina galappæ, gummigut. extract. elaterii & ꝥ dulc. quæ in formam pilularum fuerunt redacta & in usum vocata, præmisso in sequente digestivo ex ꝥr.  $\odot$ lato &  $\ominus$ absinth. quod circa vesperam patiens assumsit & mane prædictas pilulas. Interea vinum insequens Medicatum loco potus ordinarii in usum trahebatur, qui talis erat

Rz. rad. s. aperient. rub. tinct. bryon. â 3ij. herb. sabin. mj. puleg. matric. meliss. absinth. ꝥl. â mß. Fl. sambuc. ebul. Gemist pij Sem. dauc. apii anis. fœnic. â 3ij. galapp. nig. resin. 3vj. cinam. N. M. â 3j. fol. fenn. f. st. 3j. agar troch. 3iß. fem.



sem. carth. in pet. lig. contus. ʒij. Θ. Fr. albiss. ʒ℞. F. concis. & contus. S. Species zu 3. biß 4. Maasß Wein.

§. XXV. Vomitoria licet haud pauci svadent propter nisum, quem exerunt, ob ventriculum maxime debilem ægrotæ merito rejecimus & ductu Ettmülleri eorum loco acres saltem clysteres maxime stimulant in subsidium vocavimus, quorum erat hæc formula,

R̄. Herb. artemis. matric. rut. ʒ al. malv. ʒ. mß. Soldanell. pij rad. cucum. asin. bryon. ireos nostr. ʒ. ʒiij. Fl. chamomill. sambuc. melilot. ʒ piij. sem. carv. levist. anis. apii lin. fœnu gr. ʒ ʒj. coq. in ∇ simpl. col. ʒxii. adde elect. benedict. lax. ʒj. & hier. picr. ʒvj. de bacc. laur. ʒvij. Θ gemm. ʒij. M. F. Clyster. siber den andern Tag zu brauchen.

§. XXVI. Sudorifera quoque certis in diebus cum maximo fructu fuerunt adhibita, quo horum beneficio humores ∇ si tam in utero quam in toto corpore vitiosi & copiosiores evacuentur, quæ erant: † diaph. bez. 2e. & ʒt. essent. lign. imò ipsa decocta lignorum ex lignis facta, chin. sarsaparill. adject. simul. specificis uterinis, puleg. cep. alb. c. Sacch. secundum Lusitanum. borrac. Venet. croc. orient. & extract. sabini ad roborandum uterum castor. myrrh. croc. aromat. & alia exinde parata, imò essent. rorism. salv. quam in usum vocavi felici cum successu.

§. XXVII. Et quò hostis maxime rebellis ubique impugnetur & expellatur, etiam hunc aggressi sumus cataplasmatibus, pessis, stimulantibus & injectionibus seu clysteribus uterinis, quorum formulæ sequentes erant:

R̄. Fol. ebul. sambuc. ʒ mj. sterco. caprill. ʒij. rad. bryon. ʒj. coq. s. q. ☐ puer. ad consistent. cataplasmat. S. Umschlag eußerlich warm auf die Geschwulst zu legen.



Rz. Rad. afar. ʒiij. fol. puleg. calaminth. ā mʒ. fabin. pʒ. mechoacann. ʒj. sem. cum. anis. ā ʒʒ. coq. in ▽ artemis. col. ʒvj. add. ʒ sambuc. lin. ā ʒʒ. M. F. Clyst. uterin. tepide injiciendus.

Rz. Succ. ʒ1. ʒiʒ. Pulv. cymīn. ʒiʒ. agar. troch ʒj. ⊖ gem. ʒʒ. mellis q. s. coq. ad consumptionem succ. in justa consistentia F. Pess. debitæ magnitud. qui retinebatur per noctem. Loco cataplasmatīs etiam sequens empl. imponebatur interdum.

Rz. Empl. hydrop. August. de bacc. laur. ā ʒj. ʒ dulc ʒj. ʒ arin. sambuc. express. ad malax. F. empl. S. *Uuff den Geschwulst zu legen.*

§. XXVIII. Ex Fonte diætetico Δ temperatus cibus *εύπαιστος* facilis digestionis, ut carnes juniorum animalium, agnina, vitulina, juscūla carniū, ptisana avenacea atque hordeacea assumebat aromatibus moderate condita, potus vini aut cerevisia bene defœcata & lupulata tantum ad sitim fallendam usurpabantur, vigiliæ & somnus moderate erant instituta, & quies ritē tractata, animi pathemata præter gaudium exulabant.

§. XXIX. Et hæc erant Medicamenta, quibus patiens nostra summo adjuvante DEO sanitati restituta fuit, quæ adhuc in vivis existens post hæc unius prolis felix mater facta fuit. Hisce tandem colophonem huic nostræ Dissertationi Inaugurali imponimus. Sacro autem Sancto Tuo Nomini, veneranda Trias, immortales debeo gratias, quod Divino Tuo auxilio laboribus meis clementer benedicere non abnuisti. Ex intimis igitur cordis penetralibus devotissime & humilime summam Tuam Majestatem supplex imploro, ut etiam impoſterum meas actiones atque curationes in perpetuam Tuæ Majestatis laudem & proximi salutem ita dirigas & gubernes, quo semper suavissima Spiritus Sancti aura in mea vela in hoc terrarum pelago mihi naviganti feliciter adspiret cursuque fortunato meam cymbulam propellat, usque dum in tutissimum cœli portum invehar, ubi erit omnium exanthlatorum laborum exoptatissimus

F I N I S.